

**UGOVOR O OSIGURANJU VOZILA
(KASKO OSIGURANJE)**

Zaključen dana 31-01-2017 godine u Sarajevu, između:

OSIGURAVAČA: **“EUROHERC OSIGURANJE” d.d. Sarajevo**
Ul. Trg Međunarodnog prijateljstva br. 20
koga zastupa izvršni direktor Josip Knezović
(u daljem tekstu: Osiguravač)
71 000 Sarajevo
ID broj: 4227015330006

i

UGOVARAČA OSIGURANJA: **Kanton Sarajevo Stručna služba za zajedničke poslove**
Ul. Reisa Džemaludina Čauševića br. 1
koga zastupa načelnik Fikret Jašarević
(u daljem tekstu: Osiguraničnik)
ID broj: 4200667410006

Član 1.

Ugovorne strane su saglasne da je predmet ovog ugovora **kasko osiguranje („ful kasko”) motornog vozila bez franšize i sa uključenim rizikom od krađe**, dijela vozila koje koristi Kanton Sarajevo.

Član 2.

Imovina koja se veže za predmet ugovora iz člana 1. ovog Ugovora, osigurava se od osnovnih i dopunskih rizika, a razvrstani su u više grupa-skupina i vrsta osiguranja. Na osnovu registrovanih djelatnosti, osiguravač vrši osiguranje slijedeće grupe-skupine osiguranja:

1. Kasko osiguranje motornog vozila sa osiguranom sumom od 44.403,00 KM prema ovom ugovoru, a u skladu sa uslovima ponude od 05.01.2017. godine, zaprimljene pod brojem: 17-14-280 od 06.01.2017. godine, vrijedi za period od 01.01. do 31.12.2017. godine, i to za 1 (jedno) vozilo:

- *Škoda Oktavia čija ukupna osigurana suma 44.403,00 KM.*

2. Osiguravač se obavezuje da će za vozilo koje se kasko osigura blagovremeno izdati „polisu osiguranja”.

Član 3.

Obavezno osiguranje vozila plaćat će se prema **važjećoj tarifi u skladu sa uslovima ponude od 05.01.2017. godine, zaprimljene pod brojem: 17-14-280 od 06.01.2017. godine**, uz potpuno poštivanje rokova registracije vozila u zadatim vremenskim periodima.

Ukupna visina premije kasko osiguranja za gore navedena vozila iznosi:

444,03 KM

(slovima: Četiristotinečetrestetiri i 03/100 KM),

i ista je usaglašena sa uslovima **ponude od 05.01.2017. godine, zaprimljene pod brojem: 17-14-280 od 06.01.2017. godine i koja je prilog ovom ugovoru.**

Član 4.

Osiguranik je dužan da, u skladu sa Uslovima osiguranja, blagovremeno prijavi Osiguravaču sve promjene na vozilima koji su predmet ovog osiguranja i eventualno prijavi eventualne štete na istim, a ukoliko je neophodno i obezbijedi oštećeno vozilo do momenta dolaska ovlaštenog lica Osiguravača radi procjene i likvidacije štete.

Član 5.

Osiguravač se obavezuje da postupa u skladu sa Uslovima osiguranja, ponuđenim uslovima iz ponude i zahtjevima Osiguranika, vezano za nastale promjene na vozilima osiguranika. Također se obavezuje da u skladu sa zakonskim propisima i u primjerenim rokovima izvrši procjenu, likvidaciju i isplatu štete po odštetnom zahtjevu osiguranika, ukoliko za to postoji jasno utvrđen pravni osnov.

Član 6.

Za sva zaključena osiguranja u skladu sa ovim ugovorom, Osiguravač će višak rizika reosigurati, čime se u potpunosti štiti imovina Osiguranika, kao i interesi obje ugovorne strane.

Član 7.

Ovaj ugovor se zaključuje na **određeno vrijeme**, počev od **01.01.2017. godine, do 31.12.2017.godine.**

Ugovorne strane su saglasne da ovaj Ugovor može prestati sporazumom ugovornih strana i otkazom bilo kog ugovarača, uz otkazni rok od 30 dana.

Svaka ugovorna strana može u svako doba raskinuti ovaj ugovor u slučaju kršenja odredbi ovog ugovora, bez obaveze poštivanja otkaznog roka.

Član 8.

Osiguranje po ovom Ugovoru obuhvata sve štete koje nastanu u periodu od 01.01. do 31.12.2017. godine, za svaku vrstu osiguranja iz člana 2. ovog Ugovora.

Po nastanku štetnog događaja Osiguravač će odmah po prijemu prijave fotografisati (snimiti) oštećenja i sačiniti zapisnik o oštećenjima uz prisustvo ovlaštenog predstavnika Osiguranika.

Naknadu štete Osiguravač će plaćati osiguraniku u roku od 1 (jednog) dana.

Član 9.

Sve izmjene i dopune ovog ugovora vršit će se potpisivanjem "novog ugovora", na način zaključenja osnovnog ugovora.

Član 10.

Ugovorne strane su saglasne da sve, eventualne, sporove rješavaju sporazumno, a ako to ne bude moguće pred nadležnim sudom u Sarajevu.

Član 11.

Ovaj ugovor stupa na snagu danom potpisivanja, a sačinjen je u četiri (4) istovjetna primjerka od kojih svaka ugovorna strana zadržava po 2 primjerka ugovora.

ZA OSIGURANIKA:
NAČELNIK

Fikret Jašarević

Datum: 07-02-2017 godine

Broj: 17-14-258-9

ZA OSIGURAVAČA
IZVRŠNI DIREKTOR

Josip Knezović

Datum: 07-02-2017

Broj: 17303653